

Carta Cha Xihna Ri Sacuhun Ra Apóstol Pablo Chi Ñáyiví Ñuu Tesalónica Cha Yihí Cuenda Nyoo

*Nu tyaq ra Pablo ta ra tahan ra noo tutu chi ñu yihí
cuenda Nyoo*

¹ Yuhu ra Pablo chihin ra Silvano ta ra Timoteo, tyaá ndi tutu ihya chi ndo cha cuví ndo ñu yihí cuenda Nyoo ñuu Tesalónica chiña. Vatyí ñn ri cuví ndo chihin Nyoo Sutu yo ta chihin Sutu Mañi yo Jesucristo. Ta Nyoo Sutu yo ta Sutu Mañi yo Jesucristo na nasoco ra chi ndo. Ta na cuhva ra cha coo cha taxi ri añima ndo.

Vaha xaan chinó iñi ñu Tesalónica cuan chi Nyoo

² Tyicuan ri nacuhvá ndi tyahvi nyoo chi Nyoo cha cuenda tandihí ndo. Ta nyita ri chicán tahvi ndi cha cuenda ndo.

³ Tyicuan ri yihí iñi ndi tuhun ndo nuu Nyoo Sutu yo ta nicohón iñi ndi vatyí ñi iñi ndo chinó iñi ndo chi Nyoo ta sacuví ndo tyiño nuu ra. Ta ñihi sahá tyiño ndo cha cuenda cha cuñí ndo chi ra. Ta chihin cha ñi iñi ndo yihí iñi ndo cha cuañihi ndo cha cuenda ra Jesucristo.

⁴ Vatyí chitó ndi tyi Nyoo nacachí vaha ra chi nyoho yañi. Ta cuñi xaan ra chi ndo.

⁵ Vatyí quiví cahan ndi tuhun Nyoo yoso caa sacacú ra añima yo chihin ndo, ñima chihin tuhun

yuhu ri cahan ndi, soco tyinyee xaan Tatyí li chi ndi, ta cuaha xaan sacuvi ra chihin tunyee iñi ra. Ta cahan ndi chihin cha chitó vaha ndi tyi tuhun ndicha Nyoo cuví. Ta nyehe vaha ndo yoso caa chiyo ndi quívi chinyaá ndi chihin ndo. Tyicuan caa chiyo ndi cha cuenda cha vaha chi maa ndo.

⁶ Ta quichaha iyó ndo cuhva iyó ndi, ta cuhva iyó Sutu Mañi yo. Vatyí natiin cuenda ndo tuhun Nyoo, vasi cuaha tindoho nyehe ndo cha cuenda cuan. Soco si xaan cuñi ndo vatyí maa Tatyí li chahá tusi iñi cuan chi ndo.

⁷ Ta cha tyicuan caa, tyinyee xaan ndo chi tandihi ñu yihí cuenda Nyoo nicañu ityi Macedonia chiña ta nicañu ityi Acaya ihya ñandihí, vatyí nyehé ñu cuhva iyó ndo chihin Nyoo.

⁸ Ñima ityi Macedonia ta Acaya ri, soco tandihi ri ityi nu chiñi ñu tuhun ndo chitó ñu tuhun Sutu Mañi yo ta chitó ñu vatyí chinó xaan iñi ndo chi Nyoo. Ta yucuan chaha nyacua ña niñi ca cha cahan ndi tuhun Nyoo chihin ñu.

⁹ Vatyí suri maa ñu nacatyí ñu chi ndi yoso caa cha vaha xaan tiin cuenda ndo chi ndi quívi cuan. Nacatyí ñu yoso caa sandihí ndo tuhun cha sacañu ndo xitohyo ta quichaha sacuvi ndo tyiño nuu Nyoo nyitó, Nyoo cha ndicha.

¹⁰ Ta nacatyí tucu ñu yoso caa nyatú ndo naquichi tucu ra Jesús Sehe Nyoo inga chaha ityi andívi. Ican ra cuví ra cha sanandotó Nyoo chii. Ta maa ra cuví ra ra sacacú chi yo tacuhva cha ma tachi tuñi Nyoo chi yo quívi sacutuñi ra chi ñáyivi.

2

Tyiño sahá ra Pablo ñuu Tesalónica

¹ Nyoho yañi, chitó ndo vatyí ñima cha caha ri chahan ndi chichan ndi tuhun Nyoo ñuu ndo.

² Vatyí chitó ndo yoso caa nyehe ndi tindocho saha ñáyiví ñuu Filipo cha ni cumañi ca cha ndi ñuu ndo. Ta vasi nyehe xaan ndi tindocho ñuu cuan soco quiví cha ndi ñuu ndo cahan tucu ndi tuhun Nyoo chihin ndo chihin cha ña yuhví ndi. Ta vasi xaan xaan nanduví ñáyiví ñuu ndo, soco tyinyee xaan Nyoo chi ndi ta sacoto ndi chi ndo yoso caa sacacú ra añima yo.

³ Vatyí tuhun cha chaha ndi chi ndo maa maa ri cha ndicha cuví. Ta ñahri cha quiñi caa chicá xiñi ndi. Ta ni ñima cha cuñí ndi sandavi ñaha ndi chi ndo.

⁴ Ñahri cha ña vaha cahan ndi, vatyí Nyoo nyehé ra chi ndi, ta maa ra tyatyíño ra chi ndi vatyí sacoto ndi chi ndo yoso caa sacacú ra añima yo. Ta yucuan cuví cha cahan ndi tari cuhva tyatyíño ra chi ndi. Vatyí ña cuñí ndi cuvaha ndi nuu ñáyiví, soco nuu Nyoo cuñí ndi cuvaha ndi, vatyí maa ra nyehé ra ñáa cha caa añima yo.

⁵ Ta nyoho chitó ndo vatyí ni noo chaha ña cahan ndi chihin tuhun tyaqui cha cuñí ndi sandavi ñaha ndi chi ndo. Ta ni ñima cha cuñí ndi saha ganaa ndi xuhun ta cahan ndi tuhun ihya chihin ndo. Nyoo cuví ra cha ndaa tyi ndicha cha cahn ihya.

⁶ Ta ni noo chaha ña nanducu ndi cuhva cha sacahnu ñáyiví chi ndi, ni nyoho, ni inga ñu. Ndicha, iyó ityi chi ndi cha cunyacá ñaha ndi chi

ndo tyi maa ra Cristo tach̄i ra chi ndi, soco ña cuñí ndi coso ndi siqūi ndo cha tyicuan caa.

⁷ Soco cuñí ndi tyinyee ndi chi ndo. Tari noo sihi sacuahnú ña chi sehe ña, sahá cuenda ña chi cue, tyicuan caa cuñí ndi tyinyee ndi chi ndo.

⁸ Cuñí xaan ndi chi nyoho, ta cahvi iñi ndi vatyí ñima tuhun Nyoo ri cuhva ndi chi ndo, soco nyacua nya ñayiv̄i ndi ñandih̄i, cha cuenda cha cuñí ndi chi ndo.

⁹ Nyoho yañi, nicohón iñi ndo yoso caa saha tyiño ndi quiv̄i chinyicu ndi chihin ndo. Sahá tyiño ndi ñicahñu ta cha cuaa vatyí ña cuñí ndi coso ndi siqūi ni noo ndo cha ni ri ca cha cahán ndi tuhun Nyoo chihin ndo.

¹⁰ Ta nyoho cuví ndo cha ndaa, ta Nyoo ñandih̄i, vatyí maa ri cha vaha ta cha ndaa chinyacuv̄i ndi quiv̄i chinyaa ndi chihin ndo cha cuví ndo ñu chinó iñi chi ra Cristo. Maa maa ri cuhva cuñí Nyoo chinyacuv̄i ndi, ta ña chah̄a ndi cuhva vatyí cahan ña vaha ndo siqūi ndi.

¹¹ Ta chitó tucu ndo yoso caa sandun̄i ndi iñi noo noo ndo chihin tuhun chah̄a ndi chi ndo. Sandunyēe ndi iñi ndo tari noo ra chihin sehe ra.

¹² Ta catyí ndi chi ndo nacachi coo ndo tari tahán chi coo ñu yih̄i cuenda Nyoo. Vatyí maa ra nacanā chi ndo vatyí coo ndo nu nyacá ñaha ra, ta nyehe ndo cha tyaqūi gloria ra.

¹³ Yucuan chaha tyicuan ri nacuhvá ndi tyahvi nyoo chi Nyoo, vatyí quiv̄i chiñi ndo tuhun ra cha cahan̄ ndi chihin ndo, nat̄in cuenda ndo vatyí nacotō ndo tyi tuhun Nyoo cuví ta ñima tuhun ñáyiv̄i ri. Ta ndicha cha tuhun Nyoo cuví, vatyí

sacuvĭ chi vatyi chino iñi ndo chi Nyoo ta nasama ndo cuhva iyó ndo.

14 Yahą cuan ta nyehe tucu maa ndo tindoho saha ñáyivĭ ñuu ndo, tari nyehe tucu ñu yihí cuenda ra Cristo Jesús nicahnu ityi Judea. Tyicuan caa sanyehe tucu ñu Israel ityi Judea cuan tindoho chi ñáyivĭ tahan yo cuenda ra Cristo cuan.

15 Ta ican ñu Israel cuan cachahñĭ chi Sutu Mañi yo Jesús tari cachahñĭ tucu ñu chi ra profeta, ra cachahą cuenda tuhun cahán Nyoo ta ityi chata ca. Ñu Israel cuan tava ñehe ñu chi ndi. Ñima cuhva cuñí Nyoo iyó ñu. Ta tasi cuñí ñu nyehe ñu chi tandihĭ ñáyivĭ.

16 Tatu cuñí ndi cahan ndi tuhun Nyoo chihin ñu cha ñima ñu Israel cuvĭ tacuhva cacu ñu, ña chahá ñu Israel cuan cahan ndi. Ta cha cuenda cha chasí ñu nu cahán ndi, cucuaha ca cuatyĭ ñu. Ta vityin nu ndihĭ tuhun cutachi tuñi xaan Nyoo chi ñu.

Nu catyĭ ra Pablo vatyi cuñĭ ra cunyehe ra nu nyicú ñu Tesalónica inga chaha

17 Yañi, cha yaha cha quitą ndi ñuu ndo vasi ña naha nyehe ndi chi ndo soco ñohó xaan iñi ndi chi ndo. Ta chihin cha n# iñi ndi cuñĭ ndi cunyehe ndi nu nyicú ndo inga chaha.

18 Ta nducų ndi cuhva cuhun ndi soco ña cuvĭ. Ta yuhu ra Pablo ñandihĭ, cuaha xaan chaha nduquĭ cuhva cuhun ndi, soco tahan ri chaha cha cuñĭ ndi cuhun ndi ta ña chahą ra ña vaha.

19 Soco ¿yóó chi ita iñi ndi? Ta ¿yóó chi cuenda cus# cuñí ndi, ta vaha cuñí ndi? ¿Atu ñima cha

cuenda maa ndo cusii xaan cuñí ndi nuu Sutu Mañi yo Jesucristo quiví quichi ra inga chaha?

²⁰ Vatyí cha cuenda cha vaha cuahan ndo chihin Nyoo ta nyehé yo tyi ña caha ri sahá tyiño ndi. Ta sii xaan cuñí ndi cha cuenda cuan.

3

¹ Ta yucuan chaha ña cunyeē que cha ma cote yoso caa cuahan ndo chihin Nyoo. Ta natyaji ñi tyi ndoñi ñuu Atenas.

² Ta tachí chi yañi yo ra Timoteo na cuhun ra cunyehe ra chi ndo. Maa ra sacuví ra tyiño nuu Nyoo vatyí ñn ri chihin ndi cahán ra tuhun yoso caa cacú añima yo sahá ra Cristo. Tachí ndi chi ra nu nyicú ndo na sandunii ca ra ñi ndo ta sandunyeē ca ra ñi ndo tacuhva vatyí chinó ca ñi ndo chi Nyoo.

³ Tyicuan caa ta ni noo ndo ta ma ndu uvi ñi ndo cha cuenda cha nyehé ndo tindocho. Vatyí nyoho chitó ndo vatyí nyaá yo cha nyehe yo tindocho tyehe caa.

⁴ Vatyí ta ninyaá ca ndi chihin ndo, catyí ndi chi ndo vatyí cha cuñí quichi quiví cha nyehé yo tindocho. Ta chitó vaha maa ndo tyi tyicuan caa cuví.

⁵ Yucuan chaha ña cunyeē que cha cuñí cote tuhun ndo. Ta tachí tyiño chihin ra Timoteo na nyehe ra yoso caa cuhva cuahan chinó ñi ndo chi Nyoo. Vatyí yuhví coto sandavi ñaha cuihna chi ndo ta nandihví tucu ndo nu quiñi caa inga chaha. Vatyí tu tyicuan caa, cucunaa tandihí tyiño saha ndi nu nyicú ndo.

⁶ Soco vityin cha nachaa ra Timoteo cha chahan ra nu nyicú ndo ñuu Tesalónica chiña. Ta nacatyí ra chi ndi vatyí nái iñi ndo chinó iñi ndo chi Nyoo. Ta cuñí xaan ndo chi tahan ndo. Ta catyí ra tyi tyicuan ri nichón iñi ndo chi ndi ta cuñí xaan ndo nyehe ndo chi ndi, tari nyuhu, cuñí tucu maa ndi nyehe ndi chi ndo.

⁷ Yucuan chaha, yañi, vasi cuaha cha cuví chi ndi ta nyehé ndi tindocho, soco vaha xaan cuñí ndi cha chitó ndi vatyí nyoho vaha chinó iñi ndo chi Nyoo ta ña sañá ndo chi ra.

⁸ Tari quiví cha nduchaa ñayiví ndi, cuñí maa ndi cuhva cha nacoto ndi vatyí nyoho ñihi cuahan ndo chihin Nyoo.

⁹ Nyacua ña ñihí ndi cuhva nacuhva ndi tyahvi nyoo chi Nyoo cha cuenda ndo. Vatyí sái xaan cuñí ndi nuu Nyoo cha cuenda vatyí vaha cuahan ndo chihin ra.

¹⁰ Chicán tahvi xaan ndi chi Nyoo ñicahñu ta cha cuaa, vatyí cuñí ndi cuhun ndi cunyehe maa ndi chi ndo. Tyicuan ta cuvi sandunaní ndi cha chinó iñi ndo.

¹¹ Ta vityin nyatú ndi na tyinyee maa Nyoo Sutu yo ta Sutu Mañi yo Jesucristo tacuhva cuvi cuhun ndi nu nyicú ndo.

¹² Ta na tyinyee ca Sutu Mañi yo Jesucristo chi ndo tacuhva cuñí ca ndo chi noo noo tahan ndo ta chi tandihí ñáyiví tari cuñí nyuhu chi nyoho.

¹³ Tacuhva vatyí cuní ca iñi ndo ta cunduvii ndihí añima ndo. Ta ma coo ca cuatyí ndo nuu Nyoo Sutu yo quiví quichi tucu Sutu Mañi yo Jesucristo chihin tandihí ca ñu yihí cuenda ra.

4

Cuhva cha tahán iñi Nyoo cha coo yo

¹ Vityin yañi, chacú ndahvi ndi nuu ndo ta chahá ndi tuhun chi ndo chihin ndusu yuhu Sutú Mañi yo Jesucristo, na coo ca ndo tari cuhva sañaha ndi chi ndo, cuhva tahán iñi Nyoo. Ta sañihi ca ndo coo ndo tyicuan caa noo noo quivi.

² Nyoho cha chitó ndo yoso caa chaha ndi cuhva chi ndo tari chaha tucu maa Sutú Mañi yo Jesús cuhva chi ndi.

³ Cha cuñi Nyoo, ican cuví ihya: Cha nacuhva ndihi ndo chi ndo chi ra tacuhva sanduvii ndihi ra añima ndo. Ta ni noo ndo ta ma coo ndo chihin noo ñaha sihi o rayii tatu ñima ñasiihi o yii ndo cuví.

⁴ Ta tahan tahan ndo cuñi chi coto ndo yoso caa coo ndo chihin ñasiihi ndo. Coo vii ndo chihin ña chihin cha cuñi ndo chi ña.

⁵ Ñima chihin cha quichi cuvi iñi ndo cha quiñi caa tari nyacuví ñáyivi cha ña ñohó nuu chi Nyoo.

⁶ Ta ni noo ndo ta ma sandavi ñaha ndo chi yañi ndo ta coo ndo chihin ñasiihi ra. Vatyí Sutú Mañi yo, ñihi xaan tachí tuñi ra chi ñu sacuví tyicuan caa, tari cuhva catyi ndi chi ndo.

⁷ Vatyí Nyoo nacana ra chi yo vatyí tacuhva sacuvi yo cuhva cuñi maa ra, ta ñima noo cuhva quiñi caa.

⁸ Ta yucuan chaha yóo ñu cha ña cuñi tyasoho tuhun ihya, ñima tuhun ñáyivi ri ña tyasohó ñu, soco tuhun Nyoo ña tyasohó ñu. Vatyí suri maa Nyoo chaha ra Tatyí Ii ra chi ndo.

⁹ Soco tuhun cha cuñi yo chi tahan yo, ña chiñuhú cha tyai nu tutu ihya tuhun cuan. Vatyí

suri maa Nyoo cha sañaha ra chi ndo vatyí cuñi yo chi tahan yo cuenda Nyoo.

¹⁰ Ta tyicuan caa cuñi ndo chi tandihí tahan yo nichahnu Macedonia chiña. Soco chacú ndahvi nuu ndo yañi, vatyí na cuñi ca ndo chi ñu noo noo quivi.

¹¹ Ndūcu ndo kuhva coo vii ndo. Ta ma tyihí ndo chi ndo nu ña tahan chi, soco ñin ri tyiño maa ndo caça xiñi ndo. Ta saha tyiño ndo chihin ndaha ndo tari kuhva catyí ndi chi ndo quivi cuan.

¹² Tyicuan caa sacuvi ndo tacuhva vatyí ñáyivi ña ñohó nuu Nyoo cuasaha ñu ñáyivi chi ndo. Ta ñahri cuacumañi chi ndo.

Yoso caa cucuvi quivi quichi Sutu Mañi yo Jesús inga chaha

¹³ Yañi, ña cuñi ndi cha ma coto ndo ñáá cha cuví chi ñáyivi chihí, vatyí coto nducuihya iñi ndo tari nducuihyá iñi ñáyivi cha ma tahan chi nyehe chi Nyoo.

¹⁴ Ta tari cha chinó iñi yo vatyí chihí ra Jesús ta nandoto ra, tyicuan caa chinó tucu iñi yo vatyí Nyoo cusanandoto ra chi ñu ndiyi cha chinó iñi chi ra.

¹⁵ Yucuan chaha catyí ndi chi ndo tari sañaha Sutu Mañi yo chi ndi. Vatyí yoó cha nyitó yo nyacua nya quivi quichi ra, ñima xihna ca yo cahun ican saha ñu cha yahá chihí.

¹⁶ Vatyí suri maa Sutu Mañi yo cunoo xica ra andivi, ta cucana chaa ra vatyí maa ra cuví ra nyacá ñaha. Ta cucana chaa noo ra cuví nuu chi ángel. Ta cunativi trompeta Nyoo. Tyicuan ta

ñáyivi cha yihí cuenda ra Cristo ta chihi ñu, xihna ca ñu cunandoto.

¹⁷ Yaha cuan ta yoó cha nyitó ca yo cundaa xica yo ñn ri chihin ñu nu vico, nu cunañihi tahan yo chihin Sutu Mañi yo ityi andivi. Ta yucuan ta cucunyaa yo chihin ra tyicuan ri maa.

¹⁸ Yucuan chaha sandunñi ndo iñi tahan ndo chihin tuhun ihya.

5

¹ Soco ama o ñáá quivi cucuvi tuhun ihya, ña niñi cha cahin tuhun cuan chihin ndo yañi.

² Vatyí cha chitó vaha maa ndo vatyí ma tuví ri iñi yo ta cuchaa quivi quichi tucu Sutu Mañi yo. Vatyí tari cuhva quihvi noo ra suhu vehe ñáyivi cha cha cuaa, tyicuan caa cucuvi.

³ Vatyí quivi cha catyí ñáyivi vatyí vaha xaan iyó ñu, ta ñahri maa cha yuhvi ñu, tyicuan ta sana iñi ñu ta quichi tñdoho cuan siqui ñu. Tari noo ñaha sihi cha cuacacu sehe, sana iñi ña ta quihvi cha uhvi chi ña. Ta tyicuan caa cucuvi chi ñáyivi quivi quichi Sutu Mañi yo, vatyí ma cuví cono ñu.

⁴ Soco nyoho yañi, ñima ca nu ñaa iñi nyicú ndo ta catyí ndo vatyí sana iñi ndo ta cuchaa chi quivi Sutu Mañi yo, tari sana iñi ñáyivi tatu quihvi ra suhu vehe ñu.

⁵ Vatyí tandihí yo chitó yo yoso caa tahán chi coo yo vatyí Nyoo sandundichin ra añima yo, ta ña iyó ca yo nu ñaa iñi tari ñu ña ñohó nuu Nyoo.

⁶ Yucuan chaha ma cuví yo tari inga ñu cuan. Tari quivi cha quixí ñu vatyí ña quichahá ñu cha ndichí Sutu Mañi yo. Soco yoó cuatu tuhva yo ta cachi coo yo.

⁷ Vatyí ñu quixí, quixí ñu cha cha cuaa, ta ñu chihí xaan ndixi, chihí ñu cha cha cuaa.

⁸ Soco yoó cha cuví yo ñu cuenda cha ñicahñu, nacachi cõo yo. Ta tari noo sindaro sahá ra cuenda chí ra chihin noo cha tyaá ra pechu ra, tyicuan caa saha yo cuenda chí yo chihin cha ñi ñi yo chinó ñi yo chí Nyoo, ta chihin cha cuñí yo chí tandihí ñáyivi. Ta tari sindaro sahá cuenda ra xiñi ra chihin noo caa, tyicuan caa cuñí chí cha sahá yo cuenda chí yo chihin cha yihí ñi yo tyi cacu yo.

⁹ Vatyí Nyoo ña tyaá ra cuhva chí yo vatyí tachi tuñi ra chí yo, soco nacachi ra chí yo vatyí cacu yo cha cuenda Sutu Mañi yo Jesucristo.

¹⁰ Vatyí ra Jesucristo chihí ra cha cuenda yo vatyí tacuhva coo yo ñi ri chihin ra. Ñahri saha vasi cha chihí yo o iyó ca yo, soco tandihí yo coo yo ñi ri chihin ra.

¹¹ Yucuan chaha sanduní ca ndo ñi tahan ndo ta sandunye ca ndo ñi ñu, tari cuhva cuahan nyacuví ndo vityin.

Nu chahá ra Pablo tuhun chí ñu

¹² Soco yañi, chacú ndahvi ndi nuu ndo, na saha ndo ñáyivi chí ra sahá tyiño nu nyicú ndo. Vatyí nyisó ra tyiño cuenda Sutu Mañi yo ta chahá ra tuhun chí ndo.

¹³ Cuñí chí cha saha xaan ndo ñáyivi chí ra chihin cha cuñí ndo chí ra. Vatyí sacuví ra tyiño Sutu Mañi yo. Ta vaha cõo ndo chihin tahan ndo cuenda Nyoo.

¹⁴ Ta tyatyíño ndi chí ndo yañi, vatyí cuhva ndo tuhun chí ñu cha ña cuñí saha tyiño. Ta sanduní

ndo iñi ñu cha ña nñ ca iñi. Ta tyinyee ndo chi ñu vita cuñí vatyí ta chino vaha ca iñi ñu. Ta cūcama iñi ndo chihin tandihí ñáyiví.

15 Saha ndo cuenda coto sacuvi ndo cha ña vaha chihin ñu nyacuví cha ña vaha chihin ndo. Ndūcu ndo cuhva sacuvi ndo cha vaha chihin tahan ndo cuenda Nyoo ta chihin tandihí ñáyiví.

16 Tyicuan ri cūsiñ cuñi ndo.

17 Ta cācan tahvi ndo tyicuan ri maa.

18 Naçuhva ndo tyahvi nyoo chi Nyoo cha cuenda tandihí cha cuví. Vatyí ican ihya cuví cha cuñí Nyoo cha sacuvi yo cha cuví yo ñu chinó iñi chi ra Cristo Jesús.

19 Ma ndahva ndo ñuhū Tatyí Ii cha nyaá ãnima ndo.

20 Ma cuacu nyaa ndo tuhun Nyoo cha cahán noo ra cahán tuhun chahá Nyoo.

21 Tññ cuenda ndo tandihí cha cahán ra. Ta naquehen ndo cha vaha.

22 Cuachiyo ndo nuu tandihí cha quiñi caa.

23 Ta maa Nyoo ra iyó cha taxi ri chii, na sanduvii ca ra ãnima ndo tacuhva vatyí ññ ri chi maa ra nacuhva cuenda ndo chi ndo. Ta na cocumi ra ãnima ndo ta cha chiñi tuñi ndo ta coño ñuhu ndo tacuhva vatyí ma coo ca cuatyí ndo quiví quichi tucu Sutu Mañi yo Jesucristo.

24 Ra cha nacachí chi ndo, cuví cunyeey iñi yo chi ra, vatyí maa ra cusacuvi ra tandihí maa ihya.

Nu ndihí caḡan ra Pablo ta chahḡ ra nocumi chi ñu

25 Yañi, cācan tahvi ndo cha cuenda ndi.

26 Ta naçuhva ndo nocumi chi tandihí yañi yo cuenda Nyoo.

²⁷ Tyatyíñé chi ndo chihin ndusu yuhu Sutu Mañi yo vatyi sacuahá ndo carta ihya nuu tandihi tahan yo cuenda Nyoo.

²⁸ Ta na nasoco Sutu Mañi yo Jesucristo chi ndo. Ta na cuvi chi tyicuan caa.

Tuhun cha sañahá ra Jesucristo chi yo
New Testament in Mixtec, Jamiltepec
(MX:mxt:Mixtec, Jamiltepec)

copyright © 1983 Wycliffe Bible Translators, Inc.

Language: Mixtec, Jamiltepec

Translation by: Wycliffe Bible Translators, Inc.

Mixteco, Jamiltepec [mxt], Mexico

Copyright Information

© 1983, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Jamiltepec

© 1983, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Mar 2026 from source
files dated 29 Jan 2022
7411d349-0f34-5963-987e-74457a7bad38